

D'oghji sì



G. Fusina, M. Santoni, G. Biancarelli, G. Firroloni.

*Quando omu scontra
à Ghjacumu, si sà ch'ellu t'hà
sempre un puema chì l'inchjostru
ùn hè ancu asciuttu nant'à
a pagina ; in quantu à l'estru
ùn ci hè penseru ch'ellu sicchi mai.
Cusì hè stata una sera
di vaghjime scorsu
à u Palazzu Naziunale. Eramu
unepochi chì presentavamu
D'Oghje sì, d'odiu nò,
l'ultima raccolta di puesia corsa
stampata da l'edizione Albiana.
Ghjacumu ci avia
purtatu a so parolla, a so
amicizia è sta manata
di puemi inediti.*

D'OGHJI

Parchì metta u tempu
quandì l'urloghju frusta
sin'à ùn sapè più
À chì versu 'dda ghjira
A so sfera maestra!
oghji
Vol di chì u me tempu
mi coddì
À saltu di lettu
À spechju in mani
Par cacciammi
tutti i ciummachi
Ancu quiddi di l'ochja.
E parchì mi a castichera!
Oghji
À leghja ciò chì si pò leghja...
Parchì micca u dissanimu...

Innò,
oghji sò, par altr'è tantu
i dui mesa di Lina, quidda criatura
ch'ùn hà chè novi cuncinuchji,
Un mischju di sangu
cussì nobili di sentimi
è di sensu.
Iè, d'oghji,
chì l'odiu
Ùn fù mai mercia in casa
'lli mei.
Alora. Oghji!
Ancu u tempu patimarà.

PAR UN DITTU

U voddi è ghjira 'lli paroli
metti talvolta
qui è culà
A casa suttu supra.
À chì senti ch'ùn senti
è sappii tù
indù 'dd'hè ciuncu.
Metti parola tù è po
è po ven'à sapè
Ven'à sapè in chì sarconu
u to frateddu
s'hè intanatu.
Chì s'iddu hè chjusu
è richjusu
mancu hè a tarra chì
li pò arricà
quidda parola, quidda boci
tennara ma dinò sulenna
ch'à ogni naseitoghju,
ogni criatura
avvicina parola è allucitera.
I purtona 'llu soli
ch'hè nosciu tuttu
U vodd'è ghjira 'lli paroli
hè qualchì volta spaccacori.
E' tandu
parch'ùn ti sciti
È po tiratti à quiddu
Campiu
Dundi omini è donni
Poni avè insembi acu è
filu da cugia
I pannareddi 'lli so criaturi.

TRAMMULI PÒ DASSI

Saremu no' pò dassi
trammuli
di vinia spartuta
è ancu par un dittu
sparta è spapersa.
À chì di liccia
À chì di sterpa castagnina.
À chì di qui o di culà.
Trammuli chì tanti volti
pur chè troppu pò
dassi
U malventu scuzzula.

È voltu à di
di vinia spartuta:
u partimentu di a trammula,
chì for' di ventu
è linda di vilenu
metti i paroli in posta
pà u casculu 'lla ghjandi
è 'lli castagni.
L'accolti, focu à incenda
A' quiddu termini 'lli
bistrasceri.
L'ochja 'lli criaturi
passati parvia di no'
da trammula suvvistica
à fruttu manzu ammanzatu
da a noscia ammanzera.
Voddu di quì, di tuttu u nosciu di.
A trammula dà u starrutu.
Ancu u starrutu.
Par pulmona ghjà tocchi.